

## **Rapport dalla seduta dil cussegl da vischnaunca dils 4 da settember 2018 a Vuorz**

### **Beinvegni ed avertura**

Il president dil cussegl, Maurus Tomaschett, fa a tuts presents in cordial beinvegni alla seduta da questa sera.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Damai ch'ei vegn buca fatg diever da tala ei la gliesta per la seduta da questa sera ligionta.

### **1. Approbaziun dil protocol dalla seduta dil cussegl dils 12 da zercaldur 2018**

Il protocol ei vegnius tarmess allas cusseglieras ed a tuts cusseglers. Il president dil cussegl suttametta el alla discussiun. Da tala vegn buca fatg diever. Il protocol vegn approbaus unanim.

### **2. Approbaziun: lescha da pumpiers**

La lescha ei vegnida luvrada ora dalla cumissiun da fiug ensemen cun Gion Tenner, chef dils pumpiers dalla Surselva. Clau Schlosser repassa la lescha e menziunescha ils puncts principals che han midau visavi las veglias. Sin las damonda fatgas sa vegnir rispundiu. L'ordinaziun tier quella lescha vegn fatga entras la suprastanza.

La discussiun vegn dada libra. Ei dat neginas damondas ed adattaziuns. Cun tscharna unanima approbescha il cussegl la lescha da pumpiers.retroactiv sin igl 1 da schaner 2018. Quella lescha vegn aunc tarmessa alla GVG per schar approbar.

### **3. Approbaziun: lescha d'ustria**

En connex cun la fusiun ei la lescha d'ustria vegnida adattada. Cunquei che Andiastr e Vuorz possedeven negina lescha, havein priu quella dalla veglia vischnaunca da Breil e surluvrau. Clau repassa la lescha e menziunescha ils puncts principals.

Duront la deliberaziun dalla fatschenta en detagl, vegnan ils suandonts artechels adattai:

*Art. 4 c) .....Las tualettas ston esser accessiblas senza pagament.....*

*Art. 10 vegn strihaus cumplett. Aschia semidan ils ulteriurs artechels per ina nummera.*

*Art. 15 .....il plaid "eivers" vegn midaus giu en "persunas stuornas" tenor Lia Rumantscha*

*Art. 16 ...scadina canera che disturba il ruau da notg.....*

La discussiun vegn dada libra. Sin las damondas tschentadas sa vegnir dau risposta. Cun tscharna unanima approbescha il cussegl la lescha d'ustria cun las midadas presentadas, la quala va igl 1 da schaner 2019 en vigur. La lescha ei vegnida currigida entras la Lia Rumantscha avon che publicar quella.

### **4. Approbaziun: lescha da localitadas communalas**

Entochen oz havein luvrau cun treis differentas leschas da localitads. Clau repassa la nova lescha da localitads e menziunescha ils puncts principals.

Duront la deliberaziun dalla fatschenta en detagl, vegnan ils suandonts artechels adattai:

Il plaid “**arranschament**” vegn midaus giu tenor Lia Rumantscha en “**occurrentza**”  
*Art. 7 ....sche l’ustria vegn organisada per regla entras.....*  
*Art. 15 e 21 Il plaid “**office**” san ins schar tenor la Lia Rumantscha*

La discussiun vegn dada libra. Sin las damondas tschentadas sa vegnir dau risposta. Cun tscharna unanima approbescha il cussegl la lescha da localitads communalas cun las midadas presentadas, la quala va igl 1 da schaner 2019 en vigur. La lescha ei vegnida corrigida dalla Lia Rumantscha avon che publicar quella.

## **5. Approbaziun: revisiun parziala plan da zonas Ruast**

Pius Monn sco responsabel dil departement da baghegiar informescha il cussegl sur da quella revisiun. Nossa planisadra Madeleine Grob ha tschentau ensemen in rapport sur da quella revisiun. Cun l’approbaziun dil plan da zonas dalla vischnaunca da Breil el 2016 ha il cantun fatg differentas pretensiuns en connex cun quei quartier. Quella revisiun ei ina da quellas mesiras.

Sin las damondas tschentadas sa vegnir dau risposta. Las cusseglieras ed ils cussegliers fan neginas objecziuns e neginas propostas per midadas. Cun tscharna unanima approbescha il cussegl la revisiun parziala plan da zonas Ruast per mauns dalla radunonza communal.

## **6. Approbaziun: revisiun parziala plan da zonas Tschuppina**

Pius Monn sco responsabel dil departement da baghegiar informescha il cussegl sur da quella revisiun parziala. Nossa planisadra Tanja Bischofberger ha tschentau ensemen in rapport sur da quella revisiun parziala. Egl onn 2016 cu la revisiun dil plan da zonas dalla vischnaunca ei vegnius approbaus, ei la Brigels Golf AG aunc ida da quei annora, ch’els sappien duvrrar proximamein las localitads dall’armada. Ussa che l’armada stat pli ditg a Breil, havein stuiu far quella revisiun.

Sin las damondas tschentadas sa vegnir dau risposta. Las cusseglieras ed ils cussegliers fan neginas objecziuns e neginas propostas per midadas. Cun tscharna unanima approbescha il cussegl la revisiun parziala plan da zonas Tschuppina per mauns dalla radunonza communal.

## **7. Varia**

Clau Schlosser informescha il cussegl che Roman Nay crodi ora per pli liung temps muort malsogna. Ord quei motiv hagi la suprastonza elegiu il Markus Venzin da Breil per in onn. Suenter quei onn savein dapli sco ei va vinavon cun Roman Nay. Vinavon informescha Clau Schlosser il cussegl che Livio Caviezel surprindi la responsabladat per la lavur turistica. Cun quella roschada vegn il selvicultur Marc Bundi discargaus. Quei ei stau ina pretensiun digl uffeci forestal dil cantun.

La proxima seduta dil cussegl ha liug ils 20 da november 2018 e la radunonza communal ha liug ils 30 da november 2018.

Maurus engrazia alla suprastonza per la buna lavur da preparaziun dallas fatschentas. Vinavon engrazia el als cussegliers per la presenza e la partizipaziun e gavischa in bien retuorn a casa. El siara la seduta dallas 22:30 uras.

Breil, ils 5 da settember 2018

**Il president**  
*Maurus Tomaschett*

**Igl actuar**  
*Carlin Cadonau*